


Anthidote

Contre la Peste.

Au quel est contenu les causes &
remedes dicelle. Compose par
Anthoine Demery
medecin

 On les vend a Paris En la
grand salle du Palais
par Galiot du Pre
Libraire Iure de
Luniuersite
de Paris.

Auec Priuilege.



1545



Extraict des Registres de Parlement.

VEu par la court la requeste a elle presentee par Maître Anthoine demery Docteur en medecine, a ce quil luy fust permis faire imprimer par tel imprimeur de Luniuersite de Paris, quil verroit bon estre, vng petit liure intitule Anthidote, ou remedde contre la peste, Et defenses estre faictes a tous autres imprimeurs & libraires, icelluy imprimer, faire imprimer, ou exposer en vête iusques a trois ans sur telles peines quil plaira a ladiete court ordôner. Et tout cōsulte ladiete court a permis & permet audiect suppliant faire imprimer lediēt liure intitule Anthidote ou remedde contre la peste, & faict inhibitions & defenses a tous autres libraires icelluy imprimer ou faire imprimer & exposer en vente pendant le tēps de trois ans sur peine damende arbitraire, & de confiscation desdictz liures. Faict en parlement le xxviii. iour de Mars, Lan mil cinq cēs quarante quatre avant pasques.

Collation est faicte.

Berruyer.



Anthidote

Contre la Peste.

Par M. Anthoine demery medecin.

Corporis iis, animi pestē Virtute fu-
gato.

Anthoine demery medecin

Au peuple de Ableuille salut.



LA parfaicte & entiere amitie
comme dict ciceron se doit mon-
strer a la necessite, En la quelle
te uoyant peuple presentement tant
par la guerre, que par la triculēte
& furieuse peste redige, le me suis
delibere par la compassion que ie de
ta desolation & pourete, & ausi fai
sant chose appartenante a mon office
de tescripre ce petit uolume, Le
a ii.

quel te sera en tel cas fidelle & salu-
taire medecin . Tu le liras souuent sy
tu me crois affin que tu entēdes & cō-
gnoisses parfaictement les moyens de
te preseruer, et aussi de toy secourir,
si par fortune toy ou tes amys estoys
touche diceluy monstre pestilent.

Par quoy peuple ie te prie prēdre en
gre le presant que ie te offre, du quel
si tu uiens a en user tu recepueras
ung grand bien & profit avec toute
ta posterite . Par la grace de nōstre
bō dieu qui soit garde & protecteur
de toy.

In uirtute labor.

Quelle est la cause de
ce present escript.



A uenerable & tres-
iuste affection de nos
Antecessours estoit
principallēmēt, de in-
uēter, & en la fin met-
tre en execution quelque hōneste fru-
ctueuse & utile commodite, pour la
republicque. La quelle cōme diēt pla-
ton, est une chose diuinement laissée a
la studieuse occupation des humains,
dōt ceulx q de toute integrite charita-
ble la traictent & en sa dignite con-
seruent, recoipuent loyer & proffit
honorable, qui est immortalite de nō
en ceste humaine condition, & appro-
chement avecq parfaicte iouissance
du seigneur dieu (Comme diēt Cice- Cicero
ron) au lieu des bienheureulx. Et de Rep.

fault entendre que aucuns ont mis tout
 leur estude pour la aorner & dispo-
 ser en diuerses manieres. cōme Licur-
 gus, Solon, Et aultres graues legisla-
 teurs, Lesquelz ont prescript a ung
 chascun certaines Loix & ordōnan-
 ces pour cobiber & empescher, que
 nulle impetueuse uioleuce ou excès se
 commist. Les aultres ont inuente les
 Artz liberaulx pour illustrer les in-
 genieulx espritz des hōmes, selon que
 la prudente ducesse nature les meine
 & conduict. Aucuns ont trouue lin-
 dustrie D'architecture pour cōstruire
 & ediffier lieux & habitations pro-
 pices, pour deffendre et assurer lhō-
 me des iniurieuses froydures & cal-
 gineuses nubiliatiōs du ciel: Lesquelz
 tous dung bon & entier uouloir se de-
 liberoyent en exposant la bonne par-
 tie de leur fatale uie a fauoriser &

donner ayde a ceste bien aymee des
 dieulx & hommes. Rep. Mais consi-
 dere que tout estoit pour le biē & cō-
 modite de lōme, tāt pour exorner son
 esperit de bōnes et hōnestes uertus, q̄
 pour la trāquillite de ceste bresue &
 fluxile uie humaine, Il estoit biē licite
 et expediāt de auoir quelq̄ cōgnoissan-
 ce des choses crēez, pour prolōger &
 cōseruer la symetrie & decēte cō-
 mensuration dicelle, Laquelle chose
 pour la grande dignite & difficulte
 a este transmise & enuoyee du ciel
 par le tesmoignage de la diuine escrip-
 ture. Mesmes les antiques ont par rai-
 sons et authoritez testifie le dieu apol-
 lo auoir este linuenteur dicelle, & la
 nōma en grec sa fille iatria. La quel-
 le apres luy son filz Aesculapius illu-
 stra merueilleusement Et apres le bō
 pere Hypocrates, Dioscorides, Gale-
 Ecclési. 38.
 Ouidius de appo.
 Inuentū medici-
 na meū est.

nus, Paulus ægineta, Aetius & plusieurs autres excellẽs grecz & Arabes comme Auicenne, Haly, Rases & pareillement les Egiptiens les quelz ont este studieulx obseruateurs inquireurs d'experience. Par quoy apres auoir le tout diligemment considere, & que ung bien ne peult estre trop cõmun, ie me suis delibere en deieftat ignaue. & effeminee ociosite & paresse, Pour troys raisons de escrire ce petit traicte de la uiolẽte & furieuse peste, de la quelle plusieurs foys me suis esmeirueille, que les docteurs deßusdictz en ont tant sobrement escript, Principalement les Grecqz, iacoit que Hypocrates ait delaisse aulcũes de ses experiences en ses liures de Epidimia, de la quelle parlerons cy apres.

La premiere cause doncques de ce

present escript est charitable cōpassion que iay de plusieurs pauvres & desolees personnes, Lesquelles destituees de tout subside & confort, tōbent souuent au uenimeux destroiēt diceluy monstre contagieux.

La seconde est pourtant que souuēt on y peult remedier comme cy apres sera declare. Touthoys on ne demãde nycerche pas ayde aulx medecins scauans & bien experimentez . mais plusieurs soy confians en leur oultra geux excès & yurongneries principallemēt en ce pays, mettent leur uie entre les mains dalcunes femmes ignares remplies de pmisses inutilles, & uains propos, dont souuent tōbent en calamitez de leurs personnes.

Suscepti
opis tri
plex rō.

Tiercement la raison de ce mien epithome est limportunitē des prieres dalcuns de mes meilleurs amys, &

daulcuns bons & bonnestes person-
naiges, lesquelz uoyãs ceste ruineuse
furie avec grande & truculente seue-
rite regner en nostre uille dabbcuille
& lieux circũuoisins, souuentesfoys
se efforcoiēt me persuader a rediger
en ce petit liure ce que iay excerce de
plusieurs anciens docteurs, avecq les
experiences que nous pouons auoir
ueues depuis nostre promotion. A la-
quelle chose iay liberalement obtem-
pere, ayant tousiours memoire comme
iay diēt deuant, du prouffit & utilite
de la republicque. Par quoy pour en-
trer au propos, il fault premierement
congnoistre & entendre quelle chose
est ceste lerue pestifere, avecq les dif-
ferences & causes dicelle.

Il ya trois differences de mala-
die cõmune, dont la peste est la
plus pernicieuse.

Chapitre premier.

POur garder ordre methodique en ce present escript, il est premie remēt a noter, que maladie en general se peult diuiser en deux especes dōt lune est nommee disperse a cause que en une mesme region, uille, ou cite plusieurs sont aulcunesfois uexez de diuerses maladies, toutes ou les plus differentes. Les unes des aultres tant dune uacation & estude que d'autre, & les causes de ceste maladie nommee disperse sont La maniere de uiure, la complexion ou temperamment ou aultre chose dun chascū. Et de ceste difference ne uoulons icy parler.

La secōde differēce est appellee maladie commune ou populaire, laquelle prêt sa naissance de laër, qui nous est contigu, & perpctuellement necessaire a la uie. Par quoy selon sa disposi

Morbus
diuidi-
tur.

Anthidote contre

tion il est necessaire, le corps humain estre en diuerses manieres alteré, a cause que continuellement par respiration qui se faiet des polmons et parties pectorales. Et par transpiration qui parcillement se faiet par les porositéz & cōduictz insensiles de tout le corps, nous attirons lediēt aër prochain de nous, pour la generation de lesprit de uie, & fomentation de nostre chaleur naturelle. Par quoy sil est immoderement chauld, froid, humide, ou sec, il cause discrasie ou corruption du temperament du corps, & semblable disposition a la sienne. Pareillement quand lediēt aër est putride, ou quil a quelque infecte & uenimeuse substance conioincte avec soy, il corrompt & tire en semblable nature les espritz du coeur, et cōsequēment toute la masse du sang, et toutes

Respirationis & transpirationis
vsus.

les humeurs du corps, & est dont procede la peste, cõe apres demõstrerõs, de laq̃lle ne pouõs auoir parfaicte cõgnoissance, cy premierement nauõs distingué cleremēt & expliqué les differences de la maladie, laquelle avec Hippocrates auons appellee cõmune, ou populaire, a cause que indifferement inuade en cerain temps, & certaine region ung chascun, comme a escript le bon pere Hippocrates, tant uieulx que ieusnes, hommes que femmes, riches que pources. Et de ceste miserable & furieuse peste est une espece, comme nous demonstrerons cy apres. Et selon la doctrine de Galien il ya trois differences de maladie cõmune, dont la premiere est appellee Endemia, qui est a dire en francoys paysante ou familiere, & est uue maladie cõmunement & le plus souuent

Primo
epidemi
on.

Libro de
locis &
aere & a-
quis.

Lib. pri.
de ratio-
ne victus
acutorũ.

Anthidote contre

en une region ou cite, plus que en ung aultre pays, pour certaine situation diceluy, pour la disposition de laër, de laspect celeste, ou pour la uicinité des lacs, estangs, riuieres, ou choses semblables, comme Galien diët, les Romains estre cõmunement subiectz aux defluxions & fièvres demy tierces, a cause de la situation de la uille de Rome. Aussi Parisiens sont frequen- tement agitez de fièvres ardantes, & flux dyssenteriques, comme ceulx de nostre uille dabbueille sont souuët agitez de defluxions, catharreuses, colliques, paralysies, tremblement de membres, appoplexies, pierres, ou grauelles, tāt pour la situation de la uille que pour excès de bouche, qui de iour en iour se y commettent. Par quoy ceste maladie a bien esté nōmee pay- sante, ou familiere, a cause que plu-

sieurs dnnq mesme pays ou uille, en sont indifferemment agitez plus communement que ceulx de aultre region uille, bourgages, ou contree.

La seconde espece de maladie cõmune ou populaire se nõme Epidimia, & est comme dict Galien, une maladie cõmune; laquelle en aulcun temps & en aulcune certaine partie de lan en une region ou uille pullule & abõde immoderement, & communement ne est point fort contagieuse, Ainsi que on a ueu regner en une grãde partie de france enuiron. En cinq cens x et xi une maladie nõmee la coque lucbe. a Anuers & lieux circunuoisins, la maladie nommee la suette, a cause que plusieurs uenoient en une sueur si grande, que ilz en mouroient en Prouence Languedoc & Daulphine, une maladie nõmee le trouffe Ga-

Epidi-
mie nest
pas peste

Anthidote contre

lant. mesmes en ceste uille Dabbueille
et cinq ou six lieues denuiron a regné
une maniere de colique qui tenoit cinq
ou six mois, puis delaisant sa fureur
donnoit poinctures comme dallefnes,
ou espines par tous les membres, et di
soient les passionnez sentir sus le uen
tre & parties pectorales, comme silz
eussent estez escorchez, & puis sal
lez, en la fin uenoient a sentir douleur
intollerable aux parties honteuses,
principalement les hōmes, car les fem
mes nestoient gueres touchees de cest
accident, & entre bien trois cens hō
mes, ie nay ueu que trois femmes. Et
apres uenoient a perdre la uoix pe
tit a petit, puis leur trembloient les mē
bres, & finablement avecq grāde do
leur, demouroient tous paralytiques,
Plusieurs tomboient en conuulsions et
maladies caduques, & ceulx qui y sōt

tombez sont tous mortz, Les aultres
apres auoir uesqu quelque temps en
telle misere & resolution sont la fin
decedez. Et n'ya pas plus de deulx
ans que ladiete maladie se est arestee
Maismement on uoit souuent en quel-
que temps en quelque region certaine
regner, Plusieurs: Coliques, nefreti-
ques Passions; Toux, Flux de uêtre,
inflammations & douleurs des yeulx
ou quelque aultre espee de maladie
Lesquelles ne sont point tant uiolètes
& contagieuses comme est la Peste
La quelle se nomme mortelle & per-
niciense epidemie, de la quelle fault
presentement parler comme de la tier-
ce espee de maladie comune Et fault
entendre que Galien la descript en
ceste maniere, Peste ou fiebre pesti-
lente qui est tout ung a dire, est ung
aër par uapeur ou exhalation corro-

Prio de
differen-
tiis fe-
brium.

pu & infecté, & attiré par respiration ou trāspiratiō dedās le coeur, lequel est prepare a recepuoir impressiō ou corruptiō pestilente dudit aër. Or par ceste diffinition fault conclure, comme aussi par quottidiane experience on uoit, que dedens le corps par putrefactions d'humeurs ou de espritz ne se peult engendrer la peste premier que lhër exterieur corrompu & putride soit aspire & tire dedans le coeur. Et pareillemēt fault tāt par raison naturelle que par experience conclurre, que combien que quelqu'un attire ledict aër pestilent ne se peult engendrer ou produire tel effect, cest a dire la peste, Sy le corps ny est prepare & dispose cōme dessus est dit.

Des causes tant primitiues
que conioinctes de la peste

Chappitre deulxiesme.

A Pres que selõ la doctrine des anciens auons expose quelle chose est maladie particuliere & commune & que nous auons donne les differences dicelles avec la description ou definition de la peste, il fault chercher les causes dicelle, affin de proceder plus clerement a la preservation & curatiõ dicelle Et iacoit que la sacree Theologie contende la peste estre enuoyee de Dieu pour les enormes & execrables uices que iournellement nous cõmettons a lencontre de la diuine bonte qui est chose bien raisonnable a croire, tãt par les saintes Histories du uieil & nouueau Testamẽt que par lexperiẽce que mesmes a present nous uoyons, pour les blasphemies & uraye uolerie du pouure peuple. Tonteffois nostre seigneur Dieu

Anthidote contre

a laisse & delaisse souuent faire les causes inferieures & celestes influēces, desquelles (selō la traditiō de plusieurs) souuētesfoys est produiſte & engendree ceste dōmagable & pestilente furie Et pour tant que le doſte & ſauent medecin le quel doibt eſtre Philoſophe p̄ſaiēt ne diſpute & cherche q̄ les causes & raiſons naturelles nous diſons avec Larabe Auicenne quil ya deulx causes de ceste putride & pestilente exhalation.

La p̄mie
re cause
de la pe-
ſte.

La premiere ſe nomme primitiue & en ceste matiere ſe doibt appeller cause eſiciente, La quelle uient & procede effectiuelement aucunesfois de la diſpoſitiō des corps ſuperieurs, & eſt ladiſte diſpoſitiō infuſe en ce bas & inferieur mōde (cōme diſt Ptolomee) par le moyen de la Lune, cōme elle influe. La uertu des planettes &

aultres corps celestes . Et aussi entre
tous lesdictesplanettes(avec le soleil)
elle a puissâce de mouuoir plus facile
ment & manifestemēt lhaer es corps
inferieurs, dont bien souuent aduient
q̄ par sa fort humide (qui est ung des
urays p̄cipes de peste cōe cy apres
declarerons)moyenant quelque mau
uaise & quasi indicible dispositiō des
dictz corps superieurs quelle appor
te avec soy,il se engendre grādes ca
lamitez aulx arbres, fruietz,herbes,
bestes irraysonnables & humaines.
Principalement quand lhaer est ainsi
corrompu & decliné a temperature
trop humide & chaulde, dont se ex
citent & mœuent plusieurs uapeurs
putrides de la terre , produisantz la
fiebure pestilente.Ie ne uœulx pas di
re avec Auicenne, que linfluence seu
lement des corps supericurs engendre

Antidote contre

ceste putride exhalatiō en lhër. Car
souuent est corrompu par la uapeur
des corps mortz nō sepulturez demeu
rez sus la Terre comme recite Tuci
dide historien grec de la grande pesti
lence qui regna en une partie Dasie
par la putrefaction de laër qui apor
toit les uapeurs putrides & corrópus
procedans des corps non sepulturez
qui auoient este occis en une cruelle
guerre, sus la plague meridionale.

Historia

La cau
se de la
peste de
Picar
die.

La mesme cause de la pestilēce qui
est a present en sa furie en ceste uille
dabbeuille & lieux de la Picardie cir
cōuoisins est p la putrefactiō de lbaër
corrópu p la putrefactiō de corps tāt
des bruslez q des humains delaissez
sans enterrer par les chemins, depuis
tout le pais de Boullenois conte de
Guynes & aultres lieux iusques en
ceste uille, par la trop cruelle guerre.

entre Langloys & les Frãcoys, mesmement aulcunesfoys profondemēt en la terre se peult engendrer corruptiō si uiolente & maligne, que par sa comixtion avec lhër, se produira une cruelle & oultrageuse peste, comme il est escript dung puy a Padoue, lequel auoit este long tēps couuert, mais depuis quil fut ouuert, il sortist tant grãde & putride exhalatiō, que tout lhër circunuoysin fut du tout corrompu, dont proceda une peste inexplicable, laquelle regna fort long temps au grand detrimēt de tout le pays.

La seconde cause de la peste est nommée des anciens conioincte ou materielle, & estumeur ou esprit uital préparé a recepuoir ladiete pestilente disposition. Lequel humeur comme dict Aristote, Galien, & les aultres, est la matiere en toutes putrefactiōs.

Secunda
pestilētie
causa.

Anthidote contre

Parquoy quand il est au corps superflu, & nest point assez librement euentillé, facilement est conuertty en putrefaction pestifere. Quant la premiere cause ccst a scauoir lexhalatiō de lhaër putride, suruient en soy com mixtiōnāt dedans le corps avec le dict humeur. Et si quelquun de bon esprit uouloit en argumētant obiect contre ma deduction en disant, que si la putrefaction de lhaër est cause de la peste, il faudroit q̄ en tous lieux ou il ya charōgnes, estāg̃z, lac̃z, & fosses ou on faict putrefier & rouyr le lin et la chāure cōe dict Haly Abbas, la peste deburoit tousiours ou le plus souuent regner a cause que lhaer facilement recoyt putrefactiō, dōt pcede la peste. Et aussi quil faudroit que toute corruption putride quand elle est tirée par aspiration au corps engen-

drast fiebure pestilente, laquelle chose est cõtre lexperiẽce cõme de ceulx qui habitent & frequentent les lieux putrides, comme laboureux mouuans les fiens corrompus par putrefaction Et ceulx qui mundent & netoient les latrines & plusieurs aultres choses semblables. A quoy ie respõs premierement que en temps pestilent ne est pas bõ habiter aulx lieux dessusdistz comme ci apres sera declare.

Et secondement ie dis que la putrefaction de la peste est aultre bien differente a toutes aultres putrefactions, car il ya une maglignite latente qui pcede dune quasi indicible cõmixtion des elemẽs, faicte souuenteffoys par la disposition & maleuole aspect de quelque corps celeste cõme ceste annee par la coniunction de Iupiter & Saturne avec les eclipses frequentez.

Anthidote contre
de lune & du soleil. Et ceste maniere
de commixtion ne peult estre enten-
due facilement, si non par ceulx qui
continuellement se exercent en l'escol-
le peripateticque, & en la tresache-
uée & accöplie doctrine de Galien,
Car comme la pierre de laimant tire
a soy le fer, & lambre la paille par
similitude & occulte faculté ou uer-
tu procedante (comme dient les do-
ctes) de toute sa substance par com-
mixtion (Laquelle comme dict Galien
ne se peult explicquer) de tous les ele-
mens. Et ainsi que ung chascun medi-
cament tire lhumeur du corps a soy
propre & familier par quelque simi-
litude. Pareillement il ya une occul-
te malignité en ceste putrefaction la-
quelle ne est point aulx aultres cho-
ses corrompues. Lesquelles toutesfoys
en temps pestilent facilement se tour-

nent en pareille ou semblable maligni-
te. Par quoy ie concludz que toutes
fiebres putrides & aultres mala-
dies procedantes de putrefaction en
temps pestilent, facilement se conuer-
tissent en telle corruptiō. Et pourtant
en telle constitution de temps faiēt
bon user aux medecins & aultres qui
conuersent avec les malades (de quel-
conques maladies quilz soyent) dune
bonne oppiate preseruatiue, ou aul-
tre chose pour tousiours resister a
lexhalation de toutes choses corrom-
pues & putrides comme silz estoient
ou conuersoient avec les pestiferez
& iscētez pour les causes predictes.

Par quelz signes & moyens
on peult congnoistre &
prognostiquer la pe-
ste future.

Chapitre iii.

LA grande & studieuse affection
du bon père Hippocrates estoit
une longue & bien experimen-
tée obseruance des choses par luy en
tout son grād aage cōgneues. Lequel
en son premier liure des Epidimies a
lissé par escript, commēt par les dis-
positions & constitutions des parties
de lan on peult congnoistre les mala-
dies futures soyent pestilentes ou aul-
tres, en produisant plusieurs exēples.
par lesquelz il cōclud tacitemēt q̄ tou-
tes saisons soit Hyuer, Printemps,
Aesté ou Autumne deuiātes de leur
propre & naturelle temperature,
sont generatiues de plusieurs & di-
uerses affections. Et principalement
quand ilz declinent a superflue hu-
midite & mediocre chaleur, laquel-
le est une source tresample de ceste
calamiteuse peste & de plusieurs aul

tres maladies, comme en ses Aphorismes le a escript Hippocrates. Par quoy quand le temps de Aesté, Printemps, ou Automne est pluucieux, comme il a esté cest An 1544. & chaud mediocrement avecuent Meridional ou daual. Et aussi que lhaër est nubileux & caline, telle disposition nous prognostique la peste future & prochaine. Pareillement quant on uoyt comettes, flambeaulx, chesures sailletes comme dict Aristote, ou comme estime le Vulgaire estoilles tóber du ciel, mesmes quand en lhaër & sus la terre se engèdrèt plusieurs & diuerses bestes imparfaictes, cõe crapoulx grenoilles, ratz, sourys, mouches, pucés, punaises, & sèblable uermine en trop grãd abödãce, nous signifièt grãdes exhalatiõs & semences putrides dispersées et semées parmy lhaër, le-

3. Aphorismorũ

Anthidote contre

Ex Aui-
cenna.

quel facilemēt se corrōpt & recoipt
ou prēt semblable dispositiō cōme iay
dict deuant. Iacoit ce que aucuns ont
uolu soustenir ledict aer ne pouoir
recepuoir en sa substāce aucune pu-
trefactiō, lesquelz sont facilement cō-
uaincus par naturelle raison & expe-
rience. Parcillement quād aucū oy-
seaulx delaisset leurs nidz, leurs œufz
mesmes leur uol de iour pour uoler la
nuiet, & s'en vont en quelque aultre
pays, cela nous est augure lhaer estre
pestilent pres de lieux ausq̄lz ilz sont
Et fault de rechef bien noter q̄ le tēps
nubileux & chergé cōe de pluyes, tou-
tesfoys il ne pleut pas. Et cōme est de
uant dict, le uent de mydi cōtinuelle-
ment regne ou il fait fort serain, la-
quelle dispositiō se nōme Cauma q̄ si-
gnifie aestuatiō avec caligineuse humi-
dité tout cela est ung signe de la peste.

pchaine, si nostre seigneur Dieu par
 sa diuine clemence ne la destourne. Pa
 reillement ou rougolles des ieunes en
 fans, flux de uentre disentericqs, imo
 dere flux de sang par le nes & aul
 tres affectiōs quād ilz regnent abōdā
 ment en qlq regiō, sōt de plus certains
 pnosticqz de la seuerre peste. Ie ne de
 clareray a p̄sent aultres raisons desdi
 ctes dispositiōs pgnosticatiues, a cau
 se q plusieurs du cōmū entre les mains
 desqlz tōbera le petit uolume ne pour
 roient facilement entendre la dedu
 ction dicelles. Et aussi me suffit les a
 uoir aultre foys exposez en la uraye
 escolle peripatetiq & Hippocraticq
 de Paris, tenāt la ppositiō de ceste p
 sente matiere de laquelle ie fais &
 constitue iuges messieurs & mai
 stres messieurs les docteurs medecins
 de luniuersité dudiēt Paris, desquelz

Anthidote contre

en ya plusieurs dōt les noms par leurs
tres elegans & utiles oeuures sont en
Italie France que Almaigne tresflo-
rissans, ie ne me suis pas beaucoup ar-
reste a ce que songent en escripant
leurs prodigieuses prognostications.
aucunes Astrologastres lesquelz de-
stituez de raisons naturelles (ie par-
le des ignares nō exercez en l'escol-
le Aristotelicque) souuent ont leurs
recours aulx aspectz, coniunctiōs,
oppositiōs, imaginez degrez maisons
mal fondees au ciel retrogradations
Esclipses, Ausquelles choses n'ya poit
de certitude pour les choses futures,
non plus que aulx iugemens & nati-
uitez cōme l'experience demōstre tous
les iours Et le a bien prouue Picus mi-
randula. ie ne dis pas que la disposi-
tion des corps Celestes nait quelque
uertu aulx choses cōtemnez soubz la

Sphaire de la Lune , & iusques au
corps uiuans sur la terre , comme cy
deuant nous auons dict parlans de la
cause efficiente de la putride exhala-
tion pestilente. Et pourtāt que les cau-
ses & differences de la peste avec
la manifeste congnoissance de son fu-
tur aduenement , sont manifestement
demōstrees, nous cōmencerons a par-
ler & donner a entendre comment on
cōgnoistra quelque personnage estre
touché de la peste. Et le tout principa-
lement se fera par la congnoissance
des accidens quilz suruiennent com-
munement en ceste affection, car plu-
sieurs tant medecins que aultres sont
souuent surprins en uisitant les mala-
des. Par quoy pour tost soy retirer
et mettre ordre a son affaire, me sem-
ble estre chose tresutile donner & re-
diger par escript a ung chascun en

Anthidote contre
entrant en la chambre. & uoyant le
pacient la uraye & parfaicte con-
gnoissance dicelle.

Pour quelz signes on congnoist le
personnage estre aétuellement
touché de la peste.

Chapitre iiii.

SElõ la doctrine de Galien en plu-
sieurs passages on cõgnoist la ma-
ladie p les accidens ppres & cõ-
muns dicelle, a laq̃lle chose peult beau-
coup ayder la cõgnoissãce des causes
antecedentes dõt elle pcede. Et la ue-
hemence dicelle, est entendue p la ma-
gnitude & grãdeur desdictz accidens
cõc p la nature & dignité du lieu affe-
cté, par son office & aultres manieres
desq̃lles a p̃sent ne plerõs. Pour auoir
dõcqs facile & subite cõgnoissãce de
la peste aétuelle il est a noter q̃ le plus
souuēt elle prent avec rigueur ou(cõc

dict le cōmun) avec frissonemens, trem
blement de cœur, tristesse, douleur &
grauite ou pesanteur de teste, & sem
ble au malade q̄ tout a lenuyrō tour
ne cōe une maladie nōmee uertigo ou
auertin, & ya cōe ung brāslement in
uoluitaire des membres a cause que les
nerfz & parties musculenses sont tou
chez de la putride exhalatiō, uomisse
mens. Puāteur dalaine, de sucurs, d'uri
ne, des matieres fecales, lesq̄lles le plus
souuent sont liq̄des & grasses mixtiō
nees avec la gresse des itestins & aul
tres parties cōe fondue & liquefīee p
la uehemēte et maligne chaleur de ce
ste fiebure pestilente. Et souuent le pa
cient tōbe en syncope & faillāce de
cœur, a cause q̄ la uertu uitale pcedā
te du cœur est griesuement troublee
& oppresse ce q̄ le Pouls testifie,
lequel en ceste maladie est fort petit,

Anthidote contre

inequal, & souuent intermittēt. Aulcunesfoys & le plus souuēt lurine est en sa couleur & substance tresbonne & semblable aulx bien dispos, la raison est que ladicte fiebure fait plus son effort dedans les arteres qui contiennent lesprit de uie, que dedans les uaines contenant le sang duquel procede lurine. Aulcunesfoys elle est de couleur de pourpre et rosée, & quād au dessus apparoit une grosse escume de linide, uerde ou plombée, tu peulx bien prognostiquer la mort du patient aussi bien que quād elle est noire. Et ne se fault pas fier a la chaleur exterieure du corps, car cōmunement il ne apparoiſt pas beaucoup, & est ce que escript Galien, Febres pestilentes calore non sunt insignes. Et Auicenne dict, Mites sunt exterius sed conturbant interius. Fina-

9. simpl.

Prima
quarti.

lement en entrant dedans la chambre du patient a cause de la corruption de l'air par la putrefaction des choses predictes on deuient subit comme estourdy. Par quoy est bon soy approcher diligemment au feu ou de la fenestre ouuerte, comme nous dirons cy apres. Quand est de lapostume que on appelle bossse, ou du charbon, ou taches qui apparoiſſent de couleur de pourpre sus le cuyr, & aultres choses ie nen parleray a present, car comme ilz sont certains signes & indices de la fiebure pestilente. Aussi les paciens doubtent de les declarer, craindantz & doubtans esfrayer les assistens, ou eulx & leurs maisons scandalizer, qui ne est pas bien faict, car il attire les aultres en ung mesmes danger, & nen ont point de prouffit.

Antidote contre

Pour prognostiquer de la fin de
la maladie, affin de mieulx
proceder a la curation.

Chapitre v.

LA nature de ceste furieuse peste
est de soy iecter subitemēt avec
grande impetuosité au cœur cōme
au porteur denseigne ou principal cap
itaine de la vie. Par quoy il est a cō-
clurre la maladie estre tresague &
tresbreue soit a la mort ou salut. Et
est ce q̄ disoit Hippocrates. Le mal q̄
Denatura hu- pcede de la principale partie de tous
mana. les mēbres est trespernicieux, car fa-
cilement se distribue uniuersellement
par tout le corps. Toutesfoys selon la
diuersité des humeurs peccās & la sai-
son de lan, ladiēte fiebure faiēt iecter
sa fureur ou plustost ou plus tard, car
il est tout certain q̄ aucūesfoys est en
phlegme, cholere, melācholiq̄ humeur,

ou sang putride (iacoit ce q̄ aulcū cō
tendēt le sang ne pouoir recepuoir pu
trefaction lesquelz si abusent, nenten-
dans point le passage de Galien. Cel-
le de cholere & de sang est tresdāge-
reuse & de subite mutatiō, & le plus
souuēt est dedōs lūg diceulx humeurs.

Prío de
crisibus.

Pareillement ladiēte fiebure aulcunes
foys se faiēt par la corruptiō & sub-
ite cōsumption des espritz & se nōme
Ephimere a cause q̄lle ne dure q̄ ung
iour, laq̄lle uient avec grāde frequen-
ce & abondance de syncopes & fail-
lances de cœur, & de ceste il n'ya gue-
res qui en sachent eschapper, que en
peu d'heure ne soient par la mort uio-
lently renuersez. Les urines ne
sont pas beaucoup en ce mal, ny en
autres plusieurs maladies certaines,
combien que le commun (principale-
ment en ce pays icy) estime seulement

ung uray medecin quand il scait bien diuiner dune urine, qui est bien cause souuent de mettre en gros peril ung poure patient. En cest accident comme est dict deuant lurine en substance & couleur est communement louable. Toutesfoys quand elle est trouble & de couleur linide avec frequēce de syncopes, cela nous declare la mortelle deploratiō du paciēt. Quād est de lapostume que on appelle bosse. Si elle precede la fiebure (manēte ipsa febre) pour plusieurs raisons lesquelles a present ie delaisse, & selon le trescauant Rases, ne est pas si pniciuse q̄ si elle suyit la fiebure la raison de ce ie la laisse a iuestiguer a mes seigneurs les scauans medecins, car quand a moy en ce present escript ie ueulx seulement donner au poure cōmun, la facō & maniere de euitier ce-

8. sui cō-
tinentis.

ste furieuse peste, ou pour soy ayder
quād il est tōbé en icelle. Et selō la si-
tuatiō dicelle apostume le pgnostique
se peult uarier, car il est certain que
soubz les aisselles est plus dangeru-
se a cause de la uicinité du cœur, du-
quel elles sont emissayrez ou eniun-
ctoyrez, quelle ne est aulx aissnes au
bras ou lieux plus distans es loing-
tains des nobles mēbres. Et aussi pres
des aureilles est tresdāgereuse a cau-
se de la propinquité du cerueau, le-
quel a par les fumees & putrides ex-
halations a beaucoup a souffrir, Si la
fiebure est en humeur phlegmaticque
elle est de plus grande esperance que
les aultres deuāt diētes. Et ceulx qui
sont de temperature plus seiche com-
me sont les melancholiques ne sont pas
si exposez a la peste que les sāguins,
ieunes enfans, filles a marier, & tous

Antidote contre

autres abondantes en sang pblegmatique. Touchant les melancholiques les Astrologues songent pour raison naturelle q Saturne q est planete par sa malignité souuent cause de la peste, & plus fauorisable a ses enfans qui sont de cõplexion Saturnienne & melancholique, que a tous les autres de diuerse temperature. Dauantage pour ne riens omettre q ceulx qui ont esté touchez de ceste uenimeuse peste, & en sont retournez en cõualescẽce ne reci diuent point pour lannẽe, moyennant quilz ayent este exactement sanẽz & guaris, & mesmes pour toute leur uie en sont le plus cõmuncmẽt asseurez et afrãchis cõe la quotidienne experiance demõstre. Laquelle chose me faict dire & cõtendre q nous auõs quelque principe interieur dicelle procedãt du nourrissement menstrua!, duquel la pe

tite uerolle & rogeolle pcedent materiellement aux petis enfans, leq̃l principe quād il a esté cōsummé & extirpé par la resolution faicte en nature p ceste fiebure pestilente, ne a plus uigueur a pduire sēblable effect. Finalement on uoit p experiēce q̃ quelque fois ceste inhumaine peste se termine en une fiebure hectique nōmee par les Grecz Marasmodos, & se engendre par lexcessiue & uehement chaleur putride, laquelle fond & liquefie en consummant p̃mierement lhumeur qui nourrist les parties similaires, dont pcede la premiere espee de hectique.

Secondement quand ladiete chaleur putride consume & quasi deuore la carnosite desdictes particulies adherante aux fiebures dicelles. (Vnicuique enim parti est sua caro.) elle produict la seconde espee

Anthidote contre

de bectique. Tiercement & finale-
ment quand ladiete chaleur pesti-
lente assault la solidité desdictes par-
ties similaires, & consume lhumidi-
té qui cõioincte & lye ladiete solidi-
te desdictes parties, laquelle solidite
ne peult plus consister a cause quelle
na plus sa substance conioincte, &
tombent lesdictes parties quasi com-
me en cendres, ou comme on diroit ung
boys uermoulu qui se nomme caries,
& est alors la tierce espee de becti-
que marasmonee, de laquelle iamais
homme ne guarist. Ceste matiere est
ung petit hors de nostre propos. Mais
pourtant que souuent tel cas aduient
souuent par la peste, tant en nostre
temps que du temps de Galien, lequel
dict, que pendant le temps quil estoit
a Romme uint une furieuse peste, de
laquelle ceulx qui eschappoient sans

la mort, le plus communement tom-
boient en hectique de la tierce espece.
A cause quelle consummoit & rauis-
soit les trois substances dessusdictes.
Principalemēt du cœur lequel en telle
affection pestilente est le plus affli-
ge. Par quoy la fiebure pestilente est
differente des aultres fiebures putri-
des, car elle inuade premierement le
cœur, ce quil ne se faiēt pas necessai-
rement aux aultres, combien que ia-
mais la fiebure putride ne peult estre
que le cœur ne soit touche. Secōdemēt
la peste a tousiours cause procatarti-
que ou manifeste, cest a scauoir lhaër
exterieur, laq̃lle chose ne est pas neces-
saire aulx aultres fiebures putrides.

De six choses non naturelles
preseruatiues de la peste,
premierement de lhaër.

Chapitre vi.

EN declarant quelle chose estoit la peste, nous auons dict que la putrefaction de l'haër estoit principal autheur dicelle pour les raisons amplement deduiçtes icy deuât, Par quoy il faiçt bon diligemment le euter, en soy retirât le plus tost & le plus loïg que on peult, car comme ceulx quilz ne sont point en la bataille ne meüreront point en icelle. Aussi ceulx qui ne conuersent point en tel aër ne prennent point la malignité diceluy. Toutesfoys pourtant que ung chascun ne a pas l'opportunité de ce faire, & mesmes on est aulcunesfoys surprins, comme sont ceulx qui sont assiegez & environnez de leurs ennemys, il fault chercher l'haër le plus conuenable quil est possible, en le preparant & rectifiant par bon feu, ou autrement par toute la uille, ou lieux ausquelz

on est demourant, comme fait Hippocrates en la uille Dathenes. Et fault bien aussi euenter le logis, principalement la chambre avec feu de geneure, de chesne, de saulx & rosmarins, & faire psummer au soir & matin ladiete chābre avec encēs, myrrhe, lignū aloes, bēioyn, stirac calamit. roses & aultres choses odoriferātes cōme sont oyseletz de cypre. Parquoy le cōmun se abuse beaucoup disant estre bō le matin prēdre la spiratiō ou alayne dung retraits, on de uieulx soulliers bruslez ou autres choses sēblables, car il n'est riē q aye si grād uertu a engēdrer corruptiō, ainsi q demōstre la cōtinuelle experiēce, mesmes il fault euitter les lienx expirās odeurs corrōpus cōe latrines, fumiers, estables de pourceaulx, moutons. Et en general fault noter q lhaër cler, sec & de bō odeur

Perfuns.

Anthidote contre

est le plus a cercher en telle disposition, car comme nous auons dict, l'haër couuert & nubileux est tresdangereux. Par quoy le pays hault, loing des euaes & uallees, mesmes la chambre loing des lieux humides, & comme on dict reumatique sont meilleurs. Et doit tousiours le logis estre net de toutes immundices & putrefactiōs, mesmemēt en Aeste est tresbon auoir parmy la chambre de la ramee, comme de saulx, de chesne, esglétier, uerdures des prays, roses, pommes, & choses semblables. Et en Hyuer rosmarins, mente ou baulme, rue, laurinde, laurier, thim. Et finablemēt quand l'haër est trop chaud ou trop froid il fault le temperer. Et tenir la chambre & fenestres bien serrees. Principalement cōtre le midy, & contre le lieu suspect dont uient ladiete peste.

De la consideration du
boyre & manger.

Chapitre vii.

Pourtāt que l'homme ne peult cō-
sister sans boyre & manger, il
faut bien eiter l'exces diceluy,
comme aux aultres choses, tāt en trop
que trop petit, car cest une chose prin-
cipalement quand il est oultrageux,
qui donne beaucoup dempeschement a
nature. Et cōme nous dirōs icy apres,
il est bon manger & boyre moins a
la foys, mais plus souuent. Le meilleur
boyre en cest affaire, est uin cleret
bien purifié dentre deux aages, trem-
pé avec eue de fontaine fluāte sil est
possible uers Orient. Le uin blāc Frā-
coys biē neēt & cler, nō pas gros & fu-
meux est tresbō, uin bastard muscadet
rosette, alican, & generalement tous
uins doulx & pesans ne uallent riens

Potus.

Gap. de
zilo.

en tel tēps, car ilz font obstructiōs. Le
uin de Hippocras ou clare avec la ro
stye au matin ne est pas mauuais. La
biere cōme dict Dioscoride engendre
gros & mauuais humeurs, parquoy
ne est pas bōne, mais pourtant q̄ ce est
le cōmun bruuage de ce pays il fault
user de celle q̄ est la mieulx cūctē &
bien rassise & y mettre dedās le uais
seau une pōgnie de fueilles de saulge
& autāt de buglosse & doseille. La
prisane ou eaue dorge quād on est al
tere est tresbonne, ou le brouet &
Hippocras deau. Le cydre ne le pere
n'est pas beaucoup louable, car ilz en
gēdrēt cruditez & inflatiōs destomach
dont pcede frequente respiratiō q̄ est
chose tresdāgereuse en temps pestilēt,
boyre quelque foys mesgue doulx &
cler en temps de Aeste, ou laiēt battu
nest pas mauuais en cuitant tous ex-

ces. Les viandes a euer cōmunement
sont poreaulx, oignōs, pois, febues, na-
uetz, choulx blancs, carottes, pōpons,
melōs, cōcombres, prunes simon damas.
Et generalement tous fruietz leguns
et porees qui se produisent au temps
de la peste selon Rases sont a euer,
car il est uray semblable quilz parti-
cipent de la disposition de lhaër cor-
rompu. Et pourtant il ne est pas bon
user des uiures qui uiennent de lhaër
infect. Les meilleurs fruietz sont les
aigres et surs, comme toutes aul-
tres choses. Par quoy pommes ai-
grettes, poyres, grenades, lymons,
cytrons et orenges sont tresbon-
nes. Mais lesdictes pommes com-
munes et poyres se doibuent cuy-
re, car lo feu purifie et consume
la malignite. Entre les herbes la le-
tue, l'oseille, pourpied, bourroches,

Cibus.

Fruetus.

Plante.

221 Anthidote contre

buglosse, cichorée, espinars, bipreinelle, scariolle, persil, & saulge sont les plus utiles, cōme sont grappes de uerius & cappres bien dessallées & choses semblables. La chair plus suspecte est bœuf, porc nouueau, lieures uieulx cerfs, oyseaulx, cōme cānes nourries en court ou boubier. Et generalemēt toute aultre chair qui est de dure & difficile concoction, & engendre humeurs superflus ne uallent riens, non plus que anguille, lamproye, balayne, moules, seches, hannons, & aultres poissons lymonneux. Le meilleur poisson est solle, rouget, tumbes, turbot, harenc bien trempé, brachet, truyttes, carpes, escreuices, guardons, roquettes, uandoyses, & tout aultre poisson nourry en grauoy & de ferme substance. Et est tresbon cuyre celuy qui se doibt boullir avec uin aigre, pou-

liot, mariolaine, rosmarin, saulge, ser-
riette, pour oster l'humidité superflue
dudit poisson. Et se fault bien donner
garde que on ne le bouille avec tour-
nesot, comme font aucuns cuysiniers,
car il est trop corrosif. La chair de Caro.
mouton, ueau a demy aage, cabry, co-
chons, leuraux, lappins, chappös, poul-
lettes, poucins, pigeös, passereaulx, per-
drix, tœurtes, cailles, plouuiers. fai-
sans, poules d'inde, beccacins, allouet-
tes. Et finalement la chair de tou-
tes bestes & oyseaulx nourris en li-
berte, & principalement en montai-
gnes & lieux ausquelz ya pastura-
ge de herbes odorantes & desiccati-
ues, comme pouliot, serpollet, rosma-
rin, calament, genoyure, thyn, origan,
& choses semblables sont tresutiles a
nostre propos. Quand est des choses
doulces comme sucre, miel, dactilles,

figues, raisins ne sont pas trop bons, si ce ne est en petite quantité non plus que toutes autres doulces confitures, car toute chose doulce engendre obstruction au foye & a la rate. Toutesfoys les figues & raisins de Caresme seroyent commodes, moyennant que ilz soyent garnis de noix, de amandes, ou auelines. Bref tout ce qui facilement oppile le foye, comme le ris, poissons & tourteaux, que on fait communement en Caresme avec buylle toute patisserie & ouurage de four, si elle ne est bien subactée & accoustree ne est pas bonne, non plus que le frommage dur, pain dur, marrons & chastaignes, a cause de la difficile digestion.

Panis.

Le pain est bon ne trop dur ny trop tendre, duquel on doit sen-

lement oster nng petit du plus gros son ou terseul, & seroit trop meilleur de estre ung petit sallé, car le sel cōsumme les superfluitez. Et pourtant ne auons point deffendu la salure, ny toutes choses aigres, comme choses tresbonnes contre la peste, d'auantage ie trouuerroye fort bon de y mesler quelque petit dannys ou de graines de genoyure battue. Et fault bien garder quil ne soit pisté & faict avec eaue corrompue, comme eaue de mare, de pluye, ou de estang. Le four pareillement ne doibt point estre chauffe avec boys puant ou corrompu, ny de paille moitte ou putride, & chose semblable. Quand est de la quantite & temps du manger, il fault noter que lhomme seroit de trop longue uie & meilleure, se il se contentoit de une plus simple.

Viande sans si grãde diuersite & uariete qui ne seruent que a complaire a la langue ou gulosite, non pas a la nature & mutation meilleure du corps, laquelle chose est facile a entendre pour plusieurs experiences & raisons qui seroient longues a rediger en ce petit escript. Par quoy fault principalement en tel temps euitier si grãde uariete de uiandes pour ne empescher la bonne & complete digestiõ. Il fault toutesfoys mãger souuent tãt pour refrigerer et reparer les espritz de la uie, que pour garder que nulle exhalation ou humeur mauuais se innuast ou miect en quelque lieu noble du corps, dont se pourroit causer grand inconuenient. Et ne fault tollerer trop la fain ne la soif, mais fault boyre & mãger moderement, car il ne est riens qui tant debilitte toute la uertu dige-

stiue de lestomach, foye ou uaines que la superfluite & immoderee repletion tant du boyre que du manger, tout ainsi q̄ on tue ou estainct le feu par y mettre trop de boys ou deaue. Pareillement par excès en uiâdes & boyssons est suffoquee la chaleur naturelle, comme on uoit souuent aduenir aux yurongnes mourans subitement, qui est chose a Dieu & nature tresodieuse.

De l'exercice a obseruer
en temps pestilent.

Chapitre viii.

LEs anciens estoient trop plus studieux a cōseruer leur bōne sante que nous ne sommes a present, par bons & honnestes exercices, cōme par lucter, courir, iecter la barre

Anthidote contre
ou la pierre, courir cheuaulx & cho-
ses semblables, qui estoit chose fort
utile pour fortifier les uertus de l'hom-
me, & pour discuter par sueurs ou
insensibles euaporations les superflui-
tez contenues soubz la peau & par-
ties exterieures, comme dict Galien
par tous ses liures escriptz de la con-
seruation de la bonne sanite. Parquoy
en ce propos fault noter que il ne est
riens si utile que de ne auoir aulcu-
ne superfluite au corps, mesmes que
on doit tousiours pourchasser a le
desecher, comme nous dirös cy apres.
Et pourtant le mediocre exercice de
choses honestes est en cest affaire tres
bon, moyennät cōme iay predict que il
ny ait nul excès, car celuy q se exerce
avec uolence, cōe a courir, luer, a la
paulme ou la balle & choses seblables,
necessairemēt altere sa respiratiō dō

il est cōtrainct par la frequēce dicelle
attirer plus daër circūflux, q est cho-
se tresdāgereuse en telle cōstitutio ou
disposition de temps. Et aussi est tres-
maulvais, ce que le commun vulgaire
faict ordinairement, cest de boucher ou
estoupper le nes & la bouche retenāt
son uent en passant pres des lieux in-
fectz & suspectz pour la mesme rai-
son dessusdicte. Et ainsi dōcques pour
reigle generale sera tresbon soy mo-
derement exercer deuant le manger,
soit en paulme, course, lucte, estuues,
(lesquelles toutesfoys en tel tēps sont
suspectes) & choses semblables, pour
consumer (comme deuant est dict) les
excremens & superfluitez contenus
soubz la peau. Parquoy est a cōclurre
que les excès de bouche sont tresperil-
leux, car par iceulx se creent & en-
gendrent beaucoup dexcremens, tant

Antidote contre

de la premiere & seconde que de la
derniere digestion, de laquelle tierce
digestion les superfluitez ne peuvent
estre librement euacuez sans grand
& uiolent exercice qui est contre no
stre supposition. Le matin toutesfoys
sera meilleur desuuer quelque petit
deuant l'exercice, affin de garnir le
cœur & parties inanices & uidees
du corps, de quelque bon uin, auquel
sera trempee une rostye, sus laquelle
on iectera de la pouldre de duc pour
le commun. Et pour ceulx qui auront
lopportunité la pouldre qui sensuyt
est tres singuliere, & sera faicte par
les appoticairez. ℞. marg. splend.
yacinth. rub. añ ʒ j. rasuræ eboris
osis de corde cerui & ligni ī me
dia iuglande existentis añ ʒ ʒ. co
nu monocerotis. i. vnicornis gra
vii. sandali citri corall. rub. succin

Puluis
optimus
contra pe
stem.

& spodii añ ʒ. j. cinamomi electi
ʒ iiij. seminis citri, cardi benedicti
serici crudi añ ʒ. j. daronici roma-
ni dictami & rad. Tormentilę añ
ʒ ʒ. boliarc. in aqua scabios. lotę &
tritę ad summū leuorę ʒ. ʒ. sacch.
albiss. ad Triplum omniū, & fiat
pul. in pixide munda superpone
duo folia aut tria auri purissimi.
Vele ex vna parte fiat electorium
per tabulas cū sacch. buglossato.
En soy leuant le matin est tresbon soy
frotter la teste avec linge chauld, le
col, les bras, & generalement tout le
corps de hault en bas. Et seroit bon
premierement soy presenter aux af-
faires, & est a noter que nul excre-
ment se doibt retenir comme urine,
sueurs, matieres fecales. Et principa-
lement le uent de bise, car il nest riens
qui se corrupe plus tost, & quil dōne

Antidote contre

Venus
nocuus.

plus mauuais taint aux dames & damoysselles, i'espere qu'elles y scauront bien donner ordre. Quand est du liberal ieu de Venus sil ya riens a entreter en tel temps c'est cestuy la, principalement comme celuy qui rend toute nature lăguide, dissoulte & lasche de toutes ses uertus, iacoit ce quelle desfeiche le corps qui est chose tresdesirée a nostre ppos, mais elle desfeiche avec trop grande incommodité de nature & trop immoderement, combien que ie ne ueulx pas dire comme disoit Epicurus, q̃ quelque fois ne soit utile moyennāt, tēperāmēt, modeste a ceulx principalement qui sont par lōgue accoustumāce dediez au sacrifice dicelle Venus. Et en tous temps lœuure est meilleure & plus salubre & auant moindre detrimēt loing du māger cause que la sequestration de tous le

bumeurs est mieulx parfaicte.

De la consideration du dormir

& ueiller en ceste matiere.

Chapitre xix.

LE dormir & ueiller excessif en toutes maladies est uituperé du tresexperimenté pere Hippocrates, car le lōg dormir humecte & engēdre abōdātes supfluitez, qui est chose contraire a nostre intētiō cōme cy deuāt souuent a esté repeté. Pareillement le ueiller excessif deseiche & cōsunme trop imoderemēt la uertu, laq̃lle nous est en ce cas & en aultre tresnecessaire. Le dormir de iour ne est pas bon, & si quelquung le auoit de coustume a tout le moins apres disner doit differer deux heures, en ostant les souliers ou pantouffles des piedz.

Après le oupper en tout temps on ne doit dormir que il ny ayt

2. Apho
rasmorū

Corne-
lius
Celsus.

trois ou quatre heures de distance du
past. En Hyuer le dormir meridional
est plus a blasmer q̃ celuy de Aeste.
Mesmes Celsus escript en detestant
le dormir de iour dict, quil remple le
cerueau de grosses uapeurs, & pa-
reillement tous les membres, lesquels
apres ledict repos sont aggrauex &
appesantis. Par quoy le dormir de la
nuict sera meilleur, & fault soupper
sus les cinq heures pour soy coucher
sus les neuf heures, Et que la cham-
bre soit bien nette & mūdifiee, chau-
fee & parfumee, avec ce les drapx
ou linceulx bien essuyez au feu cler
comme dessus est dict. Le matin ne se
fault leuer que le feu ne soit allume la
chambre parfumee, & les habillemēs
chauffez & sechez audiect feu. Et ne
fault sortir de la maison sil est possible
q̃ le soeil ne soit hault esleue, il fault

auſſi diligẽment la nuiẽt fermer les fe-
neſtres, huys, uerrieres, & autres cho-
ſes pour euitẽr les rays du ſoleil, &
principalemẽt de la lune, leſquelz cõe-
deſſus eſt diẽt en tel tẽps ſont treſdã-
gereux, a cauſe quelle iſlue icy bas la
diſpoſitiõ & uertu des corps ſupieurs.

De ſoy contrẽgarder des trou-
blemẽs deſpritz que on nom-
me *animi affectus*.

Chapitre x.

Vand eſt des accidẽs de la-
q me, ceſt a ſcauoir de eſtre trop
ioyeux ou triſte, iracũde, melã-
cholie ou cholere, il fault noter quil
eſt dãgereux ſoy mouuoir ſubitemẽt
par cholere, car telle choſe ne ſe peult
faire ſans ebullitiõ de ſang & des eſ-
pritz du cœur, qui eſt choſe treſmaul-
uaife en ceſt affaire, car avec legiere
occaſion de lbaẽr peſtilẽt ſe pourroit

Anthidote contre

gendrer la fiebure pestilente. Et mesmes souuent aultre espece de fiebure, comme ephimere, ou putride, lesq̃lles fiebures uniuersellement en tel temps et constitution (comme deuāt est dict) sont perilleuses, a cause q̃ facilement degenerent en pestilētes. Pareillemēt soy tenir seul et solitaire n'est pas bō, aussi n'est il d'estre en multitude & grande cōpaignie, mais fault chercher gēs ioyeux et hōnestes plaīs de recreatiō, a ouyr q̃lq̃ fois chātr es, flustes, & aultres istrumens de musiq̃, aulcunesfoys lyre ou a ouyr q̃lq̃ plaisante histoire, tāt en la saincte escripture (laquelle est le uray Anthidote & grād. Thyriaq̃ contre la uenimeuse peste de peché) qu'en hūanité. Et ne se fault tenir chagrin ny en ociosité craignāt tomber en quelque apprehension de ceste peste, laquelle chose est tref-

dangereuse, car la forte apprehension
 comme dict le prince Auicenne sou-
 uent amaine et induict l'accident, com-
 me on uoit par quotidiane experien-
 ce, mesmes pour exemple contemplez
 ung psonnage manger fruietz aigres
 & acerbés en le contemplant, uous
 aurez les dentz aches & stupides.
 Aristote escript que si on mettoit de-
 dans une phyolle de uoyrre une cou-
 leure ou lezarde deuant une poule,
 qui couue ses œufz, qu'elle pduiroit
 pour poulletz descouleures ou lezar-
 des par la forte imagination. Et aussi
 pour ces curieux, qui feroit païdre les
 œufz de la poule de diuerses cou-
 leurs, elle produiroit poulletz d'icel-
 les couleurs. Ainsi que il est escript
 des brebis du bon pere Iacob & La-
 ban, desquelles uoyant des uerges
 de blanc & noir painctes, engen-

De gene-
 ratione
 aialium

Genes.
 cap. 30.

drerēt tous leurs agneaulx de sembla-
bles couleurs. Parquoy se fault bien
garder de telles imaginations, & ne
point iecter la main, puis aux aissel-
les, puis aux aines & aultres parties
cōe faiēt le rude uulgaire, q̄ est chose
fort dāgereuse. Et aussi il ne aduiant
gueres souuēt que la tumeur ou bosse
preuienne la fiebure pestilēte, & ac-
cidens dicelle. Parquoy quād on trou-
uerroit enflure ou tumeur aux aines
ou aisselles sans premierement sentir
les accidens dessusdictz, il ne se faul-
droit de riēs estōner ne effrayer, cō-

Nota. bien q̄ tous bubons en tel tēps sont dā-
gereux. Et pourtāt est bō chercher bō-
ne & bōnestē occupatiō avec mode-
rée recreatiō d'esprit, laquelle n'a pas
petite puisāce a preseruer de toutes
maladies, & cōseruer la bonne santé
& lōgue uie, par ce quil est dict cōmu

nement, Spiritus gaudens floridum reddit hominē, & ille tristis exsiccat ossa.

De l'euacuation & repletion
pour preseruer de la peste.

Chapitre xi.

LA sobre & mesurée nourriture cōc diēt Valerius Maximus, est mere de bōne & lōgue santé. Et aussi cōc refere Galien citant le diēt de Pithagoras & Platō, Bonus corporis habit⁹, animiq; prestātia ex cibi, potus ac quotidianę actionis ratione perficitur. Parquoy gourmādis & repletiō de uentre est en tous tēps pernicieuse. Je ne ueulx pas pour tant inferer q̄ la grāde diette ou ieusne en tel tēps ne soyent perilleux, car cela debilitē la uertu, & estait la chaleur naturelle. Parquoy cōc auōs deuant diēt, il fault boyre & māger so-

Nota q
animi
mores
corporis
tēperiē
sequūtur

Antbidote contre

brement & souuent sans trop endurer longuement la fain ou la soif pour plusieurs raisons qui ne se peuent icy bonnement deduire. Quand est de l'euacuation du sang, ou purgation des humeurs du corps, il est tresnecessaire de ce faire, en considerant l'humeur peccant, comme a bien escript Galien. Car il ne est riens plus necessaire que le corps ne ayt aulcune superfluité d'humeurs, laquelle chose est assez demonstree par ledict Galien parlant de la violente peste, de laquelle tant souuent a reduict en memoire le uenerable Hippocrates, & regna en Asie principalement pres de une grande uille nommée Eranone. Et aussi de celle des Atheniens, de laquelle Thucide parle copieusement disant, que medecins ne y scauoyent trouuer aul-

Libro
quos pur
gare o-
portet.

Prío de
differen
tiis fe-
brium.
Lib. i. c.
pidimió

Capite
viii.

cun remede, tellement que les Athe-
niens pensoient que les Peloponesiens
eussent empoisonné leurs puyz. Bref
apres plusieurs demonstrations Ga-
lien dict, Les corps que nous auons
trouué en telle pestilence abonder
en humeurs, nous les auons repur-
gez, & en toutes manieres de se-
chez, tant par la phlebothomie que
par purgation. Par quoy selon le
bon conseil & aduis de tous les an-
ciens docteurs, il est tresutile, soit
Hyuer ou Aeste, homme ou femme,
sanguin, cholere, ou phlematicque
prendre toutes les sepmaines sus les
quatre heures du matin trois pillules
nommées aux appoticquaires pillules
de Ruffi. Lesquelles gardent & pre-
seruent singulierement de la peste cõe Lib. 2.
nous uoyons par quotidiane experiẽ- cap. 5.
ce. Et mesmes dict Paulus Aegineta,

lequel a escript en Grec, il ya plus de
 huict cens ans q̃ ceulx q̃ en prennent une
 seule tous les matins iamaïs ne peuent
 estre toucheꝝ de la peste, & ne sont
 gueres laxatiues si l'on nen prent en grã
 de quãtite, mais ilz deffendent de pu-
 trefaction & tirent arriere du cœur
 & aultres mēbres nobles les humeurs
 qui pourroient recepuoir l'impresſion
 de l'haër pestilent. Il fault finablement
 noter que tous les iours pour le moins
 deux foys le uentre rende ses excre-
 mens, soit par clisteres lenitifz, suppo-
 sitaires, bolus, ou autrement.

Preseruatifz singuliers & bien
 experimentez cōtre la peste.

Chapitre xii.

POur euitier l'ebulition du sang en
 temps pestilent se faict bõ saigner
 quelque petit en iour esleu de la
 uaine du foye au bras droict. Et fault

user de pillules dessusdictes. Ou de celles que i'ay faict dispenser en ceste uille, desquelles plusieurs se en sont tresbien trouuez, & en cōmāde prendre tous les quinze iours une dragme, & de iour a aultre le matin on en doibt prendre une, & le iour qu'on n'en prent point, on use la grosseur d'une noysille de l'oppiate qu'il sera icy apres escripte, mais la recepte & ordōnāce des pillules est cōe il s'ensuyt. ℞. ꝑ. 336. zedo. añ 3. ii. infundantur per noctē in aqua scabiose & borag. añ 3. iiii. & postea bulliāt ad in sumptionē tertiæ partis, & fiat fortis expressio, in qua tempera agar. albiss. fœminini pul. 3. 5. tum demum siccetur ad solē, postea accipe aloes nō lote. 3. vi. myr. electe. 3. iii. croci oriētalīs 3. j5. agar. superi⁹ ppa. myrobolan orū citrinorū 3. iiii. rhab.

Pillules
laxati-
ues.

3 i/s

Anthidote contre

opt. .ii. rad. Tormétilæ dictamn
 fe. citri ofsis de corde cerui spodi
 & cinamomi añ ð. j. trofchifcori
 alhádal. 3. j. puluerifétur oía í leuo
 rem tenuifs. & cū fyr. de acc. citri
 fiat maſſa de qua fiant pil. v. p. 3. i.
 & vnaqueq; pil. fit póderis xii. gra
 norū. Apres q̄ on a eſté mediocremēt
 purgé deſdictes pillules ſera bõ deux
 foys la ſepmaine au matin prendre la
 groſſeur d'une noyſille du triacle de
 Galiē ou du metridal uiel avec cõſer
 ue de roſes & le poix de cinq ou ſix
 grains de bõ bolus armena, le tout biē
 meſlé enſemble, et eſt une oppiate de pe
 tit pris, mais de grãde efficace, ſecõde
 ment pour une choſe fort expimētee
 fault prēdre du pouliot des chāps, de
 lorigan, de l'herbe de tormētille, de la
 ſaulge frãche, et de la biñnelle de cha
 cune equalemēt, et tout ſoit ſecbe au ſo

Oppiate
 pour le
 cõmun.

Pouldre

Anthidote contre

leil ou au four et puis la biē pulueriser
et d'icelle pouldre en prēdre le matin
to⁹ les iours le poix de demy escu avec
ung petit de sucre & cannelle, puis
boire ung petit de bō uī, toutesfois sera
bon de iour a aultre au lieu de ladiēte
pouldre prēdre la grosseur d'une noi-
sille de bō triacle ou metridal, mesmes
le bruage q^l sensuyt est tressingulier.

Prenez uin aigre, caue rose, de mor-
sus diaboli ou scabieuse de chascū une
pinte d'icy, qui est une liure de poix,
& mettez tout dedans une pbiolle ou
boutaille pres du feu, ou au soleil sans
bouillir, puis y iētez une douzaine
de cloux de giroffle, une noix musca-
de, & ung petit de cānelle, avec de la
racine de biprenelle, tormentille de ua-
leriāne, et de cytouard de chascune le
poix de demy escu, & quād en aurez
a faire la fault passer & en en boyre

Bruage

Anthidote contre

tous les matins deux ou trois doigtz
de hault dedās ung uoyrre une heure
& demye deuant desjuner. Et est bõ-
ne ladiçte caue a porter sur soy nubi-
léc dedans quelque linge ou mouchoir
pour souuent odorier en allāt & pas-
sant p les lieux suspectz. Tiercement
faict bon porter du cytouard, canelle,
cloux de gyroffle, muscade, ambre,
musc, & choses semblables dedans la
bouche. Et pour le cõmun est bon por-
ter en la main de la rue, lauende, saul-
ge, aurogne, absinthe, roses & choses
semblables pour souuent odorier. Et
ceulx qui aurõt le pouoir feront faire
quelque bõne põme de senteur ou cel-
le qui s'ensuyt laquelle eēt fort preser-
uatiue de la peste, ieçte & corrompt
tout odeur infect, resiouyt l'esprit &
conforte principalement la uertu ani-
male au cerueau & le cœur. ¶ 2. rol.

Pomme
de sen-
reur.

rub. ſantalii citri ſeminis agni caſti
 charyophyll. mucif. maceris
 añ. 3. 5. cinamomi. 3. ii. labdái opt.
 3. ii. bēioyn ſtycad. cala. añ. 3. j. rad.
 cypperi yrcos. añ. 3. j. alipte moſcarum.
 3. j. fiat pul. qui excipia-
 tur mucore gūmi trag. aqua roſ.
 ſoluti, & fiat pomum in medio
 perforatum. Pareillement pour les
 riches ſera bon porter ung petit ſa-
 chet de ſoye au col tendant a la regiõ
 du cœur q̄ eſt au mylieu de la poiẽtri-
 ne declinant cõme il ſemble ung petit
 uers la mamelle gaulche, et ſera plein
 lediẽt ſachet de choſes aromaticques,
 cõe ſont les igrediens de ladiẽte põme.
 Mais pour le commun fault faire &
 emplir lediẽt ſachet de bonne ſaulge,
 lauende, roſmarin, pouliot des champs
 & domeſtique, abſynthe, aurogne, ra-
 cine de yris, & de cypperon. Il faiẽt

Sachet a
 pẽdre au
 col.

Pour
porter
en la
main.

semblablement bon en tel tēps porter
gans parfumez, & tenir en la main
orenges, citrōs, lymons, & choses tel-
les de bonne odeur. Et comme dessus
est dict porter uin aigre dedās quel-
que esponge ou mouchoir est bon avec
muscade, clou de giroffle, cinamome et
choses semblables. D'auantage pour
chose plus certaine sera singulier te-
nir en la bouche, quand on est en lieu
ou temps suspect pour deffendre le
cœur contre l'infeste exhalation de
l'haër. Les pillules lesquelles i'ay fait
communement dispenser en ceste uille
avec grand prouffit des habitās, dont
lordonnance sensuyt. ℞. spodiū fan-
talorum omnium rasuræ eboris
osis de corde cerui aṅ ʒ.ii. rosa-
rum rubearum ʒ. i. corticis citri-
ficci, radicis Tormentillæ dicta-
mni aṅ ʒ.ii. ʒ. seminis cardi be-

Hyppo-
glotia
cōtra pe-
pestem.

nedicti, citri & acetosę añ 3.5. bo-
li armenię lotę & puluerifa. 3. j. 5.
zedoarię nucis muscatę & cha-
ryophyllorum añ 3. ii. rosarũ no-
uellę & aliptę muscatę añ 3. j. pul-
uerifanda puluerisentur, & cum
muccore trag. in aqua rosata ext.
fiat formę lupiãre, addędo sacch.
albiss. buglossati quãtum sufficit.

Le matin cõe parauant a esle diët est
tresbon desjuner de bõnes rostyes au
beurre, ou a l'buylle, ou a la pouldre
de duc, ou bon beurre fraix & bon
pain, & y mettre ensemble trois ou
quatre fueilles de saulge franche,
puis boyre ung coup de bon uin qui
uouldra. Pour le commun est singu-
lier au matin & soir manger avec
deux grains de sel, cinq ou six fueil-
les de oseille. Laquelle chose est te-
nue de aucuns en Italie pour grande

desjuner
du com-
mun.

Anthidote contre

experience & secret. Pareillement
 i'ay entendu par quelques psonnes qui
 ont traffiqué plusieurs foys en la Tur
 quie, q̃ les Turcqz tiennent pour cho
 se admirable cōtre la peste de porter
 sus soy, soit en la bourse, en ung linge,
 ou aultrement quelque morceau de su
 blime, & mesmes i'ay trouué aucuns
 souldars en porter avec soy qui me as
 fermoyent le porter pour obuier a la
 peste cōe ilz auoyent ueu aux turcqz
 au siege de Nice. Il ya plusieurs aul
 tres p̃seruatifz, lesquelz ie pourroye
 rediger en ce p̃sent escript, mais il me
 semble q̃ la multiplicatiō d'iceulx dō
 neroyent plus tost cōfusion, q̃ manife
 ste confort ou ayde. Et aussy q̃ les sub
 scriptz doibuent estre suffisans com
 me ceulx q̃ sont fondez sus bonnes rai
 sons & experiences. Entre lesquelz

Triacle. le grand triacle de Galien bien & fi-

delement cōpose est le principal. Puis
le bon metridal en y mettāt pour une
once d'iceluy enuyrō nne once & de-
mye de cōserue de roses, une once de
cōserue de buglosse, demye once de cō
serue d'oseille, & la pesāteur de trois
escus de bō & fin bolyarmeni subtil-
lement puluerise, puis le tout bien mix-
tiōne et battu ensemble on fera oppiat
te, de laquelle on usera deux ou trois
fois la sepmaine la grosseur d'une noi-
sille en cœur ieun cōe dessus est dict.
Le petit cōmū pourra prendre une ro-
stye trempee en bō uin aigre, & y pul-
ueriser ou espādre dessus ung petit de
pouldre de cānelle, de clou de gyrof-
fle & muscade avec ung petit de suc-
cre. Il ya plusieurs autres remedes des-
quelz usent plusieurs psonnes, mais il
n'ya pas grād apparence. Parquoy ie
laisseray icy de parler des pseruatifz

Oppiate

Anthidote contre

Et metray en practique la curation
de la fiebure pestilente, affin q̃ ceulx
q̃ sont frappez & circūuenuz d'icelle
ne soiēt destituez de subsidē & cōfort

De la curation de la fieb-
ure pestilente.

Chapitre xiii.

A Pres auoir diffusément exposé
par les choses non naturelles la
maniere de soy preseruer en tel
cas, il fault a présent declarer la cu-
ration de ceulx qui actuellement sont
malades. Laquelle ne peult estre me-
thodique a cause des uehemens acci-
dens, ausquelz fault subuenir en con-
tempnant la principale partie de la
maladie, & aussi on ne y euoque pas
souuent les medecins pour y dōner or-
dre, & quand ilz seroyent euoquez,
souuēt pour la malignité d'icelle prins
Prío pre interieuremēt, cōe dict Hippo. quām

singulis morbis arte sua occurrē- fagiorū
 do resistant. Par quoy subit que on se cap. 4.
 sent touché, il fault euacuer le corps
 p̄mieremēt p phlebothomie, cōc pareil
 lement en toute aultre fiebure putride
 le cōmāde Galien, moyēnāt q̄ la uertu 9. 10. &
 soit suffisāte. Et si il n'ya encore bosse, 11. Me-
 anthrax ou pustulles purpurées, on sai tho.
 gnera de la uaine cōmūe au bras droit
 nō pas iusq̄s a la faillāce de cœur q̄ se
 nōme syncope cōmūemēt cōc sōt aucūns
 ineptes practiciens ne cōsiderās poit q̄
 telle chose cōsumme beaucoup des es-
 pritz tāt uitalz q̄ naturelz & q̄ le s̄ag
 se reiecte en grād abondāce dedās le
 cœur, dōt pourroit estre facilemēt suf-
 foqué, & aussi en telle fiebure le sang
 souuent est infecté de la putrefaction
 pestilente. Parquoy en tel cas ladiēte
 phlebothomie se fera selon la cōstāce
 de la uertu, affin que si l'apostume

Antidote contre

ou charbõ suruiuent que on face secõde
 saignee du coste mesmes de l'accident,
 cõe on fera des le cõmencement, si le-
 dict bubõ ou anthrax se mõstroit quãd
 & la fiebure, c'est a scauoir si la tu-
 meur ou bosse estoit a l'aine droicte,
 õ saigneroit la saphene du pied droict
 en l'eaue. Si elle estoit en laisselle droi-
 cte, on ouurira la uaine du foye au
 mesme bras. Et si elle estoit a la gor-
 ge ou soubz l'aureille droicte, on sai-
 gnera de la uaine cephalique au bras
 droict, & ainsi des aultres. Quãd est
 a moy ie seroye fort d'opiniõ que a la
 fiebure pestilente on saignast ceulx q
 sont pletboriqs & puissans, deux fois
 dedãs les .xii. beures q lon est frappe.
 La pmiere au bras droict de la uaine
 du foye. La secõde au bras gaulche p
 intermission de quatre ou cinq beures,
 de la uaine basse q a pareillement p-

priete de deriuation du cœur, duquel
fault tirer toute supfluite d'humeurs,
lesq̃lz sont causes materielles de la pe
ste cœ plusieurs fois auõs demonstre.
Et apres la phlebothomie deument fai
cte, fault incōtinent prēdre pour le cō
mun trois doigtz en ung uoyrre de ius
d'oseille, & y destremper enuyron le
poix dung escu de bon metridal ou de
triacle de Galien, avec la moitie d'au
tāt de bon bolyarmeni bien puluerise,
& fault boyre tout dung coup, & se
fault garder sept ou huyt heures de
dormir en soy mediocrement exerci
tant. Puis une heure & demye ou en
uyron apres ledict bruage fault prē
dre q̃lq̃ bō bouillō de poulle, chappon,
poucin, ou mouton mesgre cuiētz avec
force oseille, leētues, bourroche, cicho
rée, & cardo benediēt, puis q̃lque pe
tit de saffren, et force uerius de grain

Bruage
apres la
saignee.

Bouillō.

Il fault
souuent
boyre &
manger.

Fen. pri-
ma quar-
ti.

ou d'orange ou citron. Et est a noter
diligemment q'en ce cas souuent fault
manger temperamment, & boyre a
cause de la grãde resolution & cor-
ruption des espritz ainsi que bien le a
noté Auicenne disant, Plurimi enim
qui viriliter agunt, & super illud
comedunt violenter euadunt &
viuunt, Et apres ledict bouillon deux
heures mangera quelque bonne pom-
me aigrette cuicte, ou quelque bonne
grenade, mesmes le laiët battu com-
me dict Auicenne est tresbon. Bref
en tout le manger est bon user de
choses aigrettes, si apres la saignée
& ces choses dessusdictes, sept ou
huyt heures le patient ueult dor-
mir une petite heure, il sera bon pour
instaurer & roborer les espritz.
Et une bonne heure apres, si le uen-
tre ne est lasche & fluide, il pren-

Le dor-
mir.

dra la medecine cy apres ordonnée
 en l'agage commun, car il n'ya nul me-
 decin pour l'ordonner presentement,
 combien que il seroit bon considerer
 l'humeur peccant au corps, mais on
 ne a pas le loysir. Parquoy comme
 escript le premier & parragon des
 medecins. Latius multa sunt in pre-
 cipiti periculo faciēda. aliās omit-
 tenda. L'ordonnance doncques sera
 pour tous humeurs pour le cōmun, cōe
 il s'ensuyt. Prenez oseille, bourroches
 lectues, fucilles de cardo benedict, des
 arroches ou bōnes dames, coupeaulx
 de houblon de chascun une petite pon-
 gnée, racie de biñnelle ung petit, avec
 une douzaine de prunes de damas
 seiches, ung petit de riglisse et d'orge,
 & le fault tout bouillir & en passer
 p' ung linge net enuiron trois doigtz
 dedās ung uoyrre, puis y destrempez

Corne-
 lius Cel-
 sus.

Purga-
 tion.

Anthidote contre

demye once de bon catholicon, du bon
dyaprunis laxatif enuyrō deux drag
mes, et autāt de lelectuaire de dyacar
thami, et une dragme de fin triacle ou
metridal, & de tout faire ung bruua
ge pour le prendre buyt heures apres
la saignée ou enuyrō. l'entens cōe de
uant est dict, si le uētre n'estoit d'aue
ture trop lasche. Il fault quartemēt et
principalement labourer a cōforter le
cœur, tāt iterieurement q̄ exterieure
mēt cōe en buuāt bō uin cleret ou blāc
biē neēt trēpé avec eae de belle fōtai
ne, laq̄lle en grāde abōdāce beuc cōe
dict Auicenne estait le feu uenimeux,
L'eae pareillemēt d'oseille pour trē
per le uin, eae rose scabieuse ou bu
glosse est singuliere. Pareillement con
serue de roses & d'oseille battue avec
eau de fontaine cōe on faiēt l'eae pō
née, & en boyre ung bō coup est tres

cōforter
le cœur
par de
dans &
dehors.

le boyre

utile, ſeblablement eſt bõ mäger ſouuēt
 et petit q̃lq̃ cõfiture aigrette, cõme pru
 nes, cerizes, groſilles rouges. Eſpine ui
 nette, q̃ les appoticaireſ nōment berbe
 riſ. Et pour ladiēte roboratiō du cœur
 fault prēdrē de deux heures en deux
 heures une tablette d'electuaire de dia
 margariton froid, ou de dyarrhodon,
 ou de triaſandal ſimple ou cõpoſe, &
 boyre apres ung petit de bon uin de
 ſtrēpē deſe au eſdeſſuſ diētes. La nuit
 ne fault eſtre deſgarni deſ chōſes pre
 diētes, principalement de bouillōſ pre
 parez cõc deſſuſ eſt diē, leſquelz en
 ceſt affaire ſont meilleurs q̃ coullys, a
 cauſe qu'ilz ſont trop eſpois & don
 nent paine a l'eſtomach, lequel cõme le
 cœur & aultres membres nobles a aſ
 ſez d'aultres empeſchemens. Et auſſi
 n'eſt pas neceſſité de chōſes q̃ dōnent
 grāſ nourriſſemēſ, mais petit & fre-

tablettes
 pour le
 cœur.

Orge
munde.

Disposi-
tion de
lhaer.

guës, parquoy n'est pas bõ mager beau-
coup de chair, ny de choses fort doul-
ces, cõbien q l'orge mûdẽ et sucre est
de grãd utilite en ceste fiebure, & en
toute aulire putride. Quãd est des cõ-
fortatifz exterieurs du cœur, il fault
p̃mierement rectifier l'haer. selõ ce q
nous auõs escript icy deuãt en chauf-
fant des pierres de gres, & puis as-
perger du uin aigre dessus avec eue
rose qui pourra. Et faire grãd feu de
genoyure & rosmarin comme dessus
est dict. Si c'est en temps d'este, fault
arrouser les paroyz & planchers de
eue de fontaine fresche & uin aigre,
mesmes il fault espandre force ra-
mee, herbes des maretz et prez, et q̃l-
que fois pfumer le logis avec les cho-
ses deuãt dictes au chapitre de la pre-
paration de l'haer. Secondement fault
souuent arrouser la face du pacient

avec eäue rose, ou muscad, eäue de damas, uin aigre, et souuent luy presenter ung petit de uin bien laue, car cõe dict Galien, la seulle aspiratiõ du uin restaure les espritz, & les garde de putrefaction. Parquoy en ce cas c'est ung des singuliers anthidotes q'on scauroit desirer, moyennãt ql soit pris sobrement, car le uin imoderement en user cõe dict Paul Aegineta est uenin mortel. Finablement fault cõforter le cœur exterieurement avec Epithimes en prenant de leäue rose, scabieuse buglosse & uin aigre rosat de chascun demye pinte, pour trois deniers de saffren. Le poix de six grains de camphre, cedres blancz, & citrins de chascun le poix dung escu, & autant de roses rouges, le tout mys en pouldre. Le tout mys en ung plat ou aultre uaisseau, & y tremper une piece de

10. Metho.

5. lib.
cap. de
Venenis

Anthidote contre

Epithi-
me pour
le cœur.

Pour les
riches.

escarlata qui en aura, ou quelque lin-
ge, & en baciner ung petit tiede la re-
gion du cœur pres la mamelle gauche,
et y laisser ledict drap quelque espa-
ce. Puis de rechef le tremper & le ap-
plicquer sus le dict lieu par plusieurs
foys, laquelle chose est de grãde utili-
té pour refrigerer, conforter & des-
fendre le cœur cõtre le uenin de la pe-
ste. Quãd est des riches apres la sai-
gnée, incõtinẽt fault prendre de l'eau
d'oseille, de roses & de cardo bene-
dict de chascun une once, & y mesler
une once & demye de syrob de lymõs
ou de grenades, avec le poix de neuf
ou dix grains de uraye & bõne licõr-
ne puluerisee ou rasee avec ung petit
de musc de cãphre & saffren, & boy-
re tout en ung coup, & soy exercer
deux heures, apres prendre semblable
bouillon au dessusdict, & y mettre du

ius d'orège, citrō ou grenades aigres, lesquelles choses sont bōnes avec toutes uiādes. Apres lediēt bouillon usera des tablettes, confitures, & choses dessus amplement escriptes. Et si le uentre ne est assez lasche prendra huyt heures ou enuyrō apres la saignee la medecine qui sensuyt. Prenez de la Purgation. decoction dessus escripte en ce mesme chapitre trois doigtz, & y trempez sus les cēdreschauldes le poix de escu & demy de bōne reubarbe avec ung petit de cannelle, puis le fault passer fort en la pressant & y dissouldre du dyaprunis, & succe rosat de chascun deux dragmes & demye, avec cinq grains de la pouldre de dyambra, & une once de syrob, de grenades ou citrōs, & faire bruuage a prendre tout d'ũg coup, et ny māger boyre ny dormir de deux heures aps, auql

Gelee.

temps prendra ung bon orge munde,
 auquel on iectera une douzaine de
 grains de grenades q pourra. Et sou-
 uēt māgera de quelq bonne gelee fai-
 cte de bons chappons, ueau, poullertz,
 faisans bouillis en bō uin blāc, eae de
 oseille, rose, bourroche, cardo bene-
 diēt, puis en la recuysant on adiuste-
 ra quelq petit de uin aigre rosat, eae
 rose, cānelle, cedres, sucre blanc, &
 tout ce qui est necessaire. Il faiēt bon
 boyre bōne eae d'orge & en la cuy-
 sant bouillir ensemble quelques pieces
 d'or, lequel en ceste matiere a grande
 propriete. Il fauldra souuent confor-
 ter le cœur en tous moyens, comme il
 a este diēt parauant. Quand a tout
 la reste & facon de uiure, il fault re-
 courir aux choses dessusdictes, quand
 nous parliōs des six choses non natu-
 relles preseruatiues de la peste. Par

quoy il suffira des remedes icy appo-
 sez, car par le cōseil de quelque pru-
 dent & scauāt medecin selō la diuer-
 site des affaires on pourra uarier par
 plusieurs manieres aultres la curatiō
 particuliers. Mais encore ie ueulx no-
 ter q̄ i'estime apres la saignée & pur-
 gation seroit bon puocqr la sueur uni-
 uerselle par quelque bonne potiō poul-
 dres ou aultremēt affin de diuertir a
 la circūferēce la putrefactiō q̄ tous-
 iours pretend gaigner le cœur. Et a ce
 cas fault prendre une bōne pōgnée de
 graine ou semēce de mil q̄ se nōme mi-
 lium solisauec cānelle pour vi. den. suc-
 cre deux onces & une bōne pite de uin
 blāc le tout bouilir a la consumptiō de
 deux pties, puis le boire chauldemēt et
 soy coucher & biē couurir pour suer
 le plus q̄ sera possible, finalement il
 ya aucuns experimenteurs qui dient

Bruuage
 pour
 suer.

Anthidote contre
que incontinent que lon se sent toude
est singulier de prendre la pesantce
de trois ou quatre grains de la pou-
dre de Mercure enueloppee dedās du
pain a chäter trempé en uin, puis se
exercer & pourmener, & fera la de-
fite pouldre cōme ilz dient grāde eua-
cuation par hault & par bas. Mais
quand a moy ie nōse riens conclurre
en tel cas, a cause q̄ tousiours ie crains
et doubte faire uiolence & travail ex-
cessif a nature, laquelle en tel affaire
est beaucoup empeschee.

De la curation du bubon,
ou bosse.

EN parlant de la curation de la
fiebre pestilente uous auōs don-
né la maniere de la phlebotomie quand
il ya apostume ou non. Parquoy a pre-
sent declarerons en bref aulcuns me-
dicamens p̄pres a la curatiō du bubon

ou bosse, pour laquelle chose fault noter que la postume rouge ou citrine & qui subit se engrossit est de meilleure esperance que celle qui se noircist ou tend a couleur plöbee & liuide, le en ay ueu quelque foys qui estoit de couleur toute semblable ala peau & cher prochaine, & qui sembloit estre une uentosite fermee & concludse a laine ou a lesselle, Touthoys elle uenoit incötinent a coupper la gorge & faire mourir le patient, aussi bien que la noire ou plöbee. Par quoy ne si fait gueres bon fier. Or pour cömenter a la curatiö il fault ä toutes cestumeurs diligement mettre ordre a atirer & faire sortir le plus quil est possible la matiere de ladiete bosse, Affin que le uenin saille du corps & quil ne coröpe ou infecte les parties uöysines.

Et pourtät fault appliquer sus le lieu

Anthidote contre

Medica-
ment at-
tractif.

toutes chses attractiues En prenant pre-
mierement ung gros ongnon & le ca-
uer cōme une pōme de coing, puis lem-
plir de Triaque ou mitridac & le fai-
re cuyre sus les cēdres chaudes, ap-
res lebiē pestir avec leuaī, Viel oingt
& huylle de lys & faire emplastre
avec laine Grasse ou laine a tout le
suyng, pour appliquer sus la partie
dolente. Et la laisser quatre
heures, & sera bon quelq̃ foys y ap-
pliquer une bōne ēplastre de galbanū
estandue avec le pilō chault dessus le
cuyr, Ou de lemplastre de musillagi-
nibus du diachilon cōmū malaxe avec
Figues Grasses racines de deulx
maulues & d'hyebles bien boullys en
uin & y adiouster tousiours ung pe-
tit de mitridat. Puis apres quelle est
attiree & maturee sera bon l'ouir
& percer ung petit sus le uert, & y

la peste. Fos 0

appliquer qui uouldra cūme dient aul
cuns le fondemēt dun cocq tout uif sus
louuerture, en luy tenāt le bec ferme
par interuales affin quil tire & aspire
la uenenosite pestilente tellemēt que
en brief ledict oyseau uient a mourir.
Et apres cela fault auoir unguentz
propices pour guerir le reste de lapo-
stume . Pareillement pour atirer ladi-
te tumeur la uentose est tres bonne, et Ventose
fault noter quil ne fault point atten-
dre la parfaicte maturation a ouurir
icelle apostume cōme le cōmande Hy-
pocrates aulx aultres cas ou il nya ri-
ens de furieux & pestilent . Quant
au reste de la curation cōme il est dit
il fault demāder aulx Cirurgiēns &
Barbiers des unguens mūdicatifz
deterisifz. & maturatifz affin de a-
uoir esguart diuers, selon la differen-
ce des indications.

Anthidote contre
De la curation du charbon.

LE charbon ou antrax est du
gros sang noir brusle & fecu-
lent avec grand ardeur. Par quoy
fault tirer du sang uoire comme dict
Galiē iusques ala syncope (ou y sil ma-
riens qui y repugne) pour refrigerer
tout le corps & la fiebre qui commu-
nement suit lediēt charbon. Seconde-
ment fault appliquer sus la partie ma-
lade un cataplasme ou emplastre con-
posee de long plantain, de farine de
Lentille, ou dorge, & de mie de pain
commun. Et le tout broyer avec miel
& uin aigre puis faire emplastre sus
estoupes imbibeés en uin mesmes est
fomenter ou estuuer lediēt carboncle
& parties uoysines avec eaue Rose
de plantain uin aigre & cedrez bien
puluerisez. Pareillement est bon cuy-
re une pomme de Grenade sure ou

Ad glan-
conē. 2,

esgre avec lescorce en uin aigre &
des roses feuilles de plantain de seille sca
bieuse & lectue puyt tout biẽ pestrir
& faire emplastre pour le lieu mala
de & affecte. Apres la mediocre re
frigeration par le conseil de Geliẽ et
apres bonne saignee fault scarifier le
dict antrax asses profondement. Et
sera bon de refrigerer & deffendre
les parties prochaines avec uin aigre
boliarmeni unguent de populeon, blãc
rasis & choses semblables. Bref la
traction est bonne par saignee & sca
rification. Secondement fault bien en
tendre les moyens de refrigerer &
mittiguer la douleur. Tiercement
fault garder que les parties uoysines
ne tiennent par cille corruptiõ ou dispo
sition finalement fault acheuer la cu
ration diceluy charbon avec unguens
& emplastres propres selon la diuer

Empla
stre cata
plasmc.

la peste.

site des matieres, & parties enflam-
mees. Gardant tosiours la maniere
& ordonnance de uiure selon ce que
nous auons ici diffusément escript, &
pour la fiebre pestilente que pour le
bubon, antrax & Exanthemez que
lon appelle graine de pourpre Et par
iceluy bon regime avec la grace de
nostre seigneur dien iespoire que plu-
sieurs pourront euitier ceste cruelle et
tirānique ennemye de nature, cest a
dire la peste, Par quoy nous ferme-
rons ce petit traicte de la clef du bon
iugement des hommes scauans & bien
exercez es bonnes doctrines.

Ausquelz touteffoys ne le auons pas
escript (ne sus doceat minervam)
mais au pauvre commun principale-
ment de nostre uille comme au commē-
cement nous le auōs propose. Et pour
tant ie supplie humblement ung chas-

cun uouloir interpreter ce presant la-
beur en aussi bonne partie cōme ie lay
entrepris de bonne affection &
bon zelle pour donner quel-
que peu de ayde & con-
fort aulx poures deso-
leux, lesquelz en ge-
neral nostre sei-
gneur Dieu
en son testament nous
a recommande.

In virtute Labor.